



江蘇省地方志編纂委員會辦公室編

江蘇歷代方志全書

58



江蘇省地方志編纂委員會辦公室編

 鳳凰出版社



江蘇歷代方志全書

—
58

蘇州府部



ISBN 978-7-5506-2317-0



圖書在版編目（C I P）數據

江蘇歷代方志全書. 蘇州府部 / 江蘇省地方志編纂
委員會辦公室編. -- 南京 : 鳳凰出版社, 2016. 7
ISBN 978-7-5506-2317-0

I. ①江… II. ①江… III. ①江蘇省—地方志 IV.
①K295. 3

中國版本圖書館CIP數據核字(2016)第131080號

書 名 江蘇歷代方志全書·蘇州府部
編 者 江蘇省地方志編纂委員會辦公室
責 任 編 輯 王 劍 王愛榮 吳 瓊 顧 娟 崔廣洲
裝 幀 設 計 姜 嵩
出 版 發 行 鳳凰出版傳媒股份有限公司
鳳凰出版社(原江蘇古籍出版社)
發行部電話 025-83223462
出版社地址 南京市中央路165號, 郵編: 210009
出版社網址 <http://www.fhcbs.com>
印 刷 揚州文津閣古籍印務有限公司
揚州市開發區鴻揚路22-2號(6幢), 郵編: 211153
開 本 889×1194 毫米 1/16
印 張 3253. 25
版 次 2016年7月第1版 2016年7月第1次印刷
標 準 書 號 ISBN 978-7-5506-2317-0
定 價 79200. 00 圓(全九十九冊)
(本書凡印裝錯誤可向承印廠調換, 電話: 0514-87969255)

崇禎常熟縣志(三)

(明) 龔立本 纂



第五十八册目錄

崇禎常熟縣志（三） 〇〇一

常熟縣志卷之五 下

邑人龔立本編次

宦績

南宋 何子平 廬江瀟人也世居會稽少有志行
事母至孝楊州辟從事史元嘉末除海虞令縣祿俸
悉以供母不及妻子母喪去官哀毀踰禮幼持操檢
敦厲名行雖處閭室如接大賓學堅義明處之以默
安貧守善不求榮進士彌以此貴之舊祀於學宮名

常熟縣志 卷五宦績

一

宦祠弘治十一年建專祠於縣治南

鮑照 上黨人家世貧賤少有文思宋臨川王愛其

才以為國侍郎王薨始興王又引為侍郎孝武初除

海虞令太學博士兼中書舍人

南齊 公上延孫 永泰中為南沙令會王敬則反

眾至晉陵邑人范修化殺延孫以應之敬則平贈延

孫為射聲校尉按沈約宋書元徽五年敬則結楊玉

史要為當據以

使李栖筠聞其名表為常熟令到官未期一邑自化
後歷官禮部侍郎出為信州刺史移疾去郡卒
蕭存字伯誠蘭陵人梁鄆陽王恢之後穎士之子
也亮直有父風能文詞與韓會沈既濟梁蕭徐岱等
善浙西觀察司李栖筠表為常熟主簿顏真卿在湖
州與存及陸鴻漸等討拓古今韻字所願作書三百
六十卷曰韻海鏡源建中初繇殿中侍御史四遷比
部郎中

坐十六擢高第梁武帝面試嘉獎十八與重雲殿法
會累遷刑獄參軍太清元年奏請試令除南沙令侯
景之亂率領所部赴援聞臺城陷乃辭衆歸鄉里承
聖二年除記室參軍太建後仕至治書侍御史性謙
謹篤孝十一年卒年六十一有集十卷陳書二十八卷

唐 劉太真 其先彭城人晉永嘉末徙金陵因家
焉弱冠以行義修潔詞藻瑰異為蕭穎士所知廣德
二年江淮宣尉使李季卿薦授左衛兵曹浙西觀察

使李栖筠聞其名表為常熟令到官未期一邑自化
後歷官禮部侍郎出為信州刺史移疾去郡卒
蕭存字伯誠蘭陵人梁鄆陽王恢之後穎士之子
也亮直有父風能文詞與韓會沈既濟梁蕭徐岱等
善浙西觀察司李栖筠表為常熟主簿顏真卿在湖
州與存及陸鴻漸等討拓古今韻字所願作書三百
六十卷曰韻海鏡源建中初繇殿中侍御史四遷比
部郎中

張旭 字伯高一字秀明吳縣人與集賢院學士延陵包融及賀知章張若虛皆有名當時號吳中四士旭嗜酒每大醉呼叫狂走乃下筆或以頭濡墨而書既醒自視以為神不可復得也世呼張顛初為常熟尉有老人陳牒求判宿昔又來旭怒其煩老人曰觀公筆奇妙欲以藏家爾旭因問所藏畫出其父書旭視之天下奇筆也自是盡得其法宦金吾長史文宗時詔以李白歌詩裴旻舞劍并旭草書為三絕周震

賓尉廳詩堂構今天蕪廢人傳舊尉賢牒藏啼鬼拘劍

書入聖始
寤事通玄

周思輯 汝南人給事中守常熟令咸通十三年歲

旱禱於破山白龍祠澤被一邑見皮日休記

宋 趙善言 祖守江陰因家焉初善言調常熟尉

侍郎劉穎參政張孝伯俱見器重終朝請郎知臨江

軍其居官於利民事則勇為之兩邑一郡皆有陰德

李璫 文正公昉族人也為常熟令淳化四年任滿

常熟縣志 卷五官績

四



赴調時畋在相位言其父崧在晉為侍中漢末被
誅周太祖時已雪其寃還其田宅璨始四歲授校書
郎及其為令年近知命乞與陞擢詔授著作佐郎
王世昌字次仲許州人端拱元年進士知鹽官縣
改常熟轉運使張式以治狀奏充秀州判官終都官
郎中歐陽公誌其墓

龔宗恪以世父迴恩補將作監簿知常熟縣修學
校理溝防人賴其利官至光祿少卿銘女嫁曾鞏鞏

洪彥昇 初調常熟尉奉母之官既至前尉欲申期三月以規薦而中分俸入彥昇處僧舍卻俸不納如期始交代

范擴 為常熟簿曾鞏舉其博學能文尤通經術以母老家貧樂仕鄉土堪充館閣及國子監直講任使郭三益 海鹽人家義興瑒之子也元祐三年進士才高有氣識大臣屢薦之為常熟丞常平使者調蘇湖常秀四州之人濬青龍江分地程役而三益所部

常熟縣志 卷五 官績

五

前期告辨使者留之俾常熟人保役以助他邑之不
如期者三益即引所部歸使者怒檄追甚急三益以
為戚其母周曰青龍之役連數郡其分地程役賦廩
食宜皆已上聞今我先畢何名復役之使者倘再思
行悔矣雖然汝不可無會第無以所部從也三益如
教已而使檄止丞勿來事遂已

鄭穆 汀州長汀人家於無錫繇濠州定遠令改常
熟丞攝縣事有潰兵絕江繇福山闖閩邑人大恐穆

單車撫諭遂皆革心有久訟得直袖白金數斤為謝
穆正色却之終朝散郎徽州通判

李光 越州上虞人崇寧五年進士初令開化調知
常熟縣朱勔父冲倚勢暴橫光械治其家僮勔怒飄
轉運使移令吳江光不為屈勔終不能害也立朝數
顯數踰耿直忤時紹興五年除知湖州中書舍人任
中上言湖非控扼之地今平江方擇人無如李光者
因授顯謨閣直學士知平江會朝廷以乏軍儲措置

常熟縣志 卷五 宦績

六

和糴數以萬計委戶部郎官霍蠡使兩浙至郡中先
謂之曰主上自南渡以來屢有約束戒飭科歛今米
或可得第未知本錢安所取辦乎殆有言利之臣惑
上聽者先適論奏其事蠡亟引去疏入有旨降本錢
和糴不踰月而畢召拜禮部尚書歷參知政事與秦
檜不合乞祠去復被安置檜死量移自便卒於蘄州
孝宗初追復學士謚曰莊簡

俞彥嶼 建炎三年韓世忠帥兵自海道從縣赴郡